

Poetæ inuocatio ad Musam.

SVbdola qui cecini nuper præconia Vulpis,
Scriptaq; Pierijs ingeniosa choris.
Idem sanguinei feror in discrimina belli,
Armaq; Mauortis, militiamq; cano.
Munera militibus quæ conuenientia ducam,
Siue pedes fuerit, siue vocandus eques.
Hæc memorare lubet, conantem dirige, tum quod
Officium deceat quemq;, Thalia refer.
Non ego sum belli studijs, vel idoneus armis,
Hoc opus auxilio statq; caditq; tuo.

A Deo Optimo Maximoq; Aquila Cæ-
sari Carolo V. oblata fuit.

Bon Gott der Adler dem Kaiser Ca-
rolo V. geben.

QUi mare qui terras, qui cōpleo numine cœlum,
Imperioq; premo cuncta creata Deus.
Carole supremis te Cæsar honoribus auëtum,
Laudibus et gemini tollo per astra poli.
Imperiumq; tuis committo viriliter armis,
Et dextræ trado publica sceptratauæ.
Subiectis parcas ut, debellesq; superbos,
Præcipue curam sed pietatis agas.
Sis formidandus, sis et placabilis idem
Omnibus, et Cæsar nominere q; bonus.

P 2 Impæ-